

四庫全書

集部

欽定四庫全書

茅簷集卷三

明 魏學洙 撰

詩

擬古仍古韻

肅肅戒嚴裝惻惻將別離
淒淒朔風急迢迢天一涯
歡顏好相慰淚落不自知
羨彼東園鳥依依寒枝留
云道方遠別云心欲緩
出門中相問此去何日返
木葉蕭

蕭下潛馬驚歲晚為子長相思為我加餐飯

二

十里躍青驄垂鞭折楊柳忽憶樓頭人含愁對窗牖今
日非相忘當年漫分手古鏡若明月寄贈閨中婦皎皎
契闊心千年共相守

三

泉落不上山泠泠響空石誰能將此辭寄語遠遊客歸
來相宴樂樽酒且勿薄堂上邯鄲倡美者巫與洛但苦

杯行頻不解苦離索華燈照道傍車馬填第宅酒酣高
歌發長鐙舞三尺人生行樂爾惡用相煎迫

四

笙簾且莫彈簫鼓且莫陳我有知心言悽然傷爾神飄
忽逆旅客何假亦何真命儉意偏奢戚戚不得申朝為
園中華暮為陌上塵斗酒非不足安用爭要津請歌行
路難匍匐良苦辛

五

華山千餘仞夾栢青雲齊枝枝遙相蓋餘陰覆瓊階上
有雙鴛鴦達曙酸且悲行者問閭里云是焦仲妻前車
勿馳驅駐馬且徘徊援琴譜清曲曲罷聲轉哀可憐被
逼迫重傷相見稀生前痛離別死後徒雙飛

六

未別視別輕別時太草草恨我非晨風送君桑乾道天
長路漫漫江空水浩浩花落悲鳥啼身與秋風老

七

昨暮共攜手明月射東壁細語何喁喁屈指猶歷歷十
五入君家三見庭草易朱樓足歌舞匆匆逝焉適慕彼
侍中郎薄天振高翮男兒重榮名故巷少行跡青絲絡
馬頭黃金飾車軌怨君輕別離怨君亦奚益

八

春風媚佳節同遊山之阿何用相贈遺下山摘女蘿女
蘿非有私贈遺頗相宜託根北山側施蔓南山陂但存
纏綿意不怨相逢遲怯怯愛春華及時願揚輝既邀眄

昧榮甘同秋草萎同牀而各夢繾綣空爾為

九

脈脈當戶繡不知雙淚滋人謂石蓮苦未解潛相思蓮
成嬌欲泣淚落還漬之持此長悠悠芳菲復幾時

十

靜夜思婦泣自言秦川女歲晏淒無儔寒碓伴機杼蕩
子歸不歸漣漣涕如雨鈎簾望明月明月上幾許清光
知我心佇立無一語

十一

游思隨飄風遠歷杜陵道道傍合歡花悉成斷腸草紅
顏不堪駐妾愁君亦老為樂速良辰歸來何不早人生
數離別百年非壽考忙忙風塵中榮名詎為寶

十二

洛陽多麗人羅袂紛相屬道逢七香車芳風漾微綠夾
轂願借問來遲去已速幸我遇狹斜目遠路更促彷彿
見蛾眉不用豔妝束嫣然一流盼朱顏美如玉所思不

可見彈古相思曲曲中竟何言理短情自促野卉非不
香采之徒踟躕今日白頭吟昨日黃金屋

十三

行役出北門悵然見新墓樸楸集歸鳥荒榛翳村路生
人盡黃土有晨終有暮死者夢已覺生者慚未寤落
初栽栢泠泠泣殘露金帳苟不死我亦圖自固百年飼
螻蟻古來有長度行樂惟富貴先為行樂誤亮彼墓中
人當年曾紈袴

十四

化久誰復戚年少相與灼灼豔繁華棄捐歸荒墳骸
骼變旅穀樵豎推為薪所幸身既死不更愁殺人感此
凋朱顏怊悵悲前因

十五

誰為不死人懷此終日憂來日當大難今日且行遊行
遊須及時古語恒如茲口爾身不然留為今人嗤今古
更相笑逝者無還期

十六

颯颯寒氣發重以夜獨悲居人歌北風征人賦無衣一
別涉九秋心知無久違門前候征旆遙遙覩容輝歸馬
驅倍疾親為授前綏荷凋道相思百年願同歸夢君遠
行邁送君出重闈驚淚浹芳席勸君莫分飛須憶離別
時出入頻相睇從今脫車輻勿復關雙扉

十七

薄暮遠音至戚戚心恐慄向前視尺函手書粲分列妾

顏三五月夜夜清光缺思君歷秋冬惠缺

戲題家塾

好葦柴關早下帷貧家父子習毛詩傳經邀得康成在
訂字須闕叔重知茅屋主人恒菜色華門好味只園葵
先生莫漫歌長鋏花老春深歸去遲

散愁

冬意絕蕭瑟樓頭日日陰
愆期雪不至無厭雨偏淫
展恨頻看史凝愁獨擁衾
自知人性後惆悵到于今

二

得意固無伴愁來誰可商
未呼桀溺隱且學牧皮狂
桼鑿從千態牢騷付九章
漸疑蓬戶內亦不復黃唐

三

長日茅簷下輕風動短衫
菊花聊自植蓬徑不為芟
入

俗刃初試畏人枚可銜只應深自戢清影倚長鏡

四

超俗還諧俗由來不可兼黃蘗今已熟竹葉且微霑見
月思姬晉臨流憶謝瞻冷然神欲往風輒遠村帘

重過蔣氏蓮雪居用昌谷韻

十月嚴霜飛江空天在水沙礫實紅籜荒日下平地大
野曠肅殺萬物絕狐媚獨存漢宮秋西風亂葱翠孤村
澹微晃草濕泣寒淚驚絲轉危葉片片楓林醉荒磴蝕

苔衣窅黑間幽邃平疇忽波立煙白失涯淡潭深古龍
吼石滑蛟涎膩客雁叫高旻千行作人字怒濤盪雲色
參錯駢巖峙杳隔闌闌聲時見斷蓬起急趁半篙日櫂
入葦蘿裏苦蔓胃黃葛樹卵小垂紫深林人有無敲石
煮丹髓吳舫狹谿轉斜光照新穠短籬晒殘錦芙蓉映
縞帔碧篁韻淒澁歌瀨枯枝墜穀雯雜輕靄櫟徑浸沈
茫歸鳥飛影疾帆落園扉悶枯籐束方笈病蝨避芸氣
牀頭魚腸劍銅花射朱几青鳥憶瓊瑤白鳳含玄粹墮

髮成蝸牛筍迸北垣圯耳熱商歌發苦調咽秋思冷焰
搖素壁古廟笑木魅長夜讀天問壁賤麤胡貴腸輪幾
迴直心事颺風似壯士破刺促殘編擲疑義詭譎石鼓
辭鼎彝漢郊祀聲牙故期期不諳奚復恥巨螯勅如鐵
觴政蒼鷹吏懼集餘閒情柔絲漾芳餌嫩粉琅玕脆肥
綠銀光紙下堦英錢薄閑閭檢陳事懶譜難忘曲羞栽
雀臺妓三閭倘前身數疑宓妃至賦成六螭舞萬岫倒
行次風高山骨瘦月小蛾眉悴長天若鷺溪一潑瀟湘

意凍霞珊瑚頰老鶻刀稜翅草甜蒺藜硬鐵騎沙場戲
霜撲平城兒愁絕崑崙使王孫擁羅幕葡萄開橫吹夾
屏金鴨煖睡熟鮫綃漬黛拂青蟲簪舊脫胭脂臂此夕
艷醜懽幾人酸腸刺丈夫貴行樂窮達聊自肆歸家弄
錦孩剪梅帖花子

賦得客帳夢封侯

燕山飛騎白如練羽林夜詔趨金殿宮妝武妓唱饒歌
甲光雪照銀花片材官小臣拜稽首肘後銅符金壓紐

丈夫此舉不足奇虎頭燕頤蚤有之會須萬里築鯨鯢
忽然顰角射明月布幃斜掛猩紅血

別蔣李

我本無心人啁笑雜凌厲我本有心人臨岐惜分袂李
也知我者不言領深意暱我墳典志去我卒歲計譬人
慕青山夢裏皆詩思及覩青山色錦囊無一字春風好
相憶一鼓蓮花榼

野鵲

有序

予得一鵠松陵更覓一為侶飲啄必偕朝而出必相
向鳴舞暮宿亦然半月後偕飛廬上後至者忽颺去
留者延頸逾時悽然獨下自是絕不復出飲啄亦希
又半月去者忽復來相向而鳴彼若相招以去此若
相招以留卒各分散予哀其意詩以招之

野鵠莫飛去離羣真可哀重來勞夢想臨別苦徘徊多
此一時聚翻令兩地悲未能遽留汝問汝幾時回

二

野鴿莫飛去離羣別恨多故鄉難遽割彼此幸相過
黑棲秔米盆青貼芰荷不妨時飲啄問汝意如何

題茅簷

幾度移屋陋巷茲來倍笑汙窪短檻蝸涎曲頽簷蝨
篆槎枒門許故人題烏壁容穉弟塗鴉飲酒誰共一斗
讀書差羨五車春月懷人薜荔秋風吹夢蒹葭無榻堪
留孺子有蔬頗類茅家霜後老農餉蟹雨前詩客攜茶
矮菊浸浸彭澤盆荷小小若耶未得山棲聊爾倘云市

隱非邪

歸鵝

肅肅歸鳥帶夕陽
蕭條寒色上垂楊
遙空潑墨侵雲亂
樹杪浮青瀉影長
數畝荒烟山寺白
半竿殘照短牆黃
故園擇木知何處
客路聞啼秋思涼

二

日落鐘鳴霜樹紅
悲鵝作隊逐西風
萍踪散亂投青靄
野陣糊塗布遠空
歸路依稀官柳外
人家黯淡暮煙中

黃昏漸到枝頭寂露脚斜侵古木叢

三

日暮煙生五柳村飛鴉陣陣晚來喧西風峭急迷歸浦
冷月荒涼憶舊園老樹半枝留遠夢枯藤千尺踏霜痕
歲寒蹤跡元如此雨宿冰餐不足論

四

觸眼淒淒惹夢思特憐烏鳥下來遲憑將暮色雲千里
借得青天月一枝桐井不堪荒白影柳堤非復淡黃時

倦飛語澀聲難譯應是長林歸去辭

五

城外林光照水清城頭擊柝子烏鳴危枝半折棲難穩
片葉孤飛夢屢驚風雪終宵羈客况煙霞作伴故人情
寒碓敲碎三更月黑影參差荇藻明

六

天高木落萬林衰古栢啼烏忽滿枝可是墓田喧野鵲
依稀漁艇着鷓鴣移株苦削風霜片顧羽時飛煙雨絲

到處有山皆可托
傍徨遊子暮何之

七

歸鳥鳴鳴傍晚晚
回暮林蕭瑟自徘徊
孤飛覓伴聲偏急
緩調無腔意更哀
秦女停梭無限恨
何郎困獄可憐才
夜闌似譜烏棲曲
月白星稀冷畫臺

八

擬將秃筆露槎枒
一掃寒林百隻鴉
啞啞悲聲淒月色
蒼蒼疎影綴霜花
橫鋪亂簇難成字
冷水孤村着處家

枝重露濃清夜永漸看簷角起朝霞

讀史述

侯生

翩翩信陵君夷門拔奇士白手搏強秦緩急莫堪使一
策虎符飛再策鐵鉞起殺氣入邯鄲秦軍無堅壘此時
夷門客長笑送公子頭顱留謝人事完身足死

藺相如

秦王會澠池邯鄲出孤注帳下千熊羆笙箏亂如雨提

瑟藐萬乘耽耽視冕兔一夫瞋目呼虓虎不敢怒殘絲
秦殺聲雪鋒交五步昔年柱前血今日堪相汙壯哉蘭
夫子千載有餘慕

魯仲連

鄙夫爭一身身外匪所計有如魏帝秦何與魯連事先
生獨個儻慷慨決大義五嶽倒地輕滄海連天沸吐舌
如吐刀鋒鋒着人厲白日走秦兵先生天下士

屈平

洛陽雋年少投文弔沅湘愍累堙鬱志訊累遠自藏謠
詠雖蔽明美人安可忘苟能歷九州故都可徜徉嘿嘿
不忍去抱此九迴腸騷人恨無限千載為悲傷

伍員

楚臣報楚怨楚人心膽寒但當收讒夫菹醢流餘鸞斷
棺笞故主倒行劇無端長蛇棲郢宮舉國髮衝冠秦庭
七日哭安得不悲酸

荆軻

蕭蕭易水波日晏客未至十三死灰兒勉強共大計坐
中擊筑人何不充秦使田光死也餞於期死也贅空死
一無酹烈士喪英氣願逐酒人游哭盡不平事

張良

子房婦女容冷致澹人意鴻門撞玉斗從容自遊戲想
其眉宇間消盡浪沙氣壯心未肯降偶爾付劉季萬戶
亦何庸賞功漢家事穀城拾黃石歸來好閒睡

蘇武

蘇武挺奇骨屹然不可移齧雪兼咽旃掘鼠還牧羝孤
臣合窮死不用青天知區區惜朝露故人真女兒

李陵

李陵飛將雛千弩應弦倒萬里搏單于匈奴不堪埽箠
中花箭盡鼓死龍城道名敗志不成身與羶帷老日落
望鄉臺酸風嘶荒草子卿不相理十年恨盈抱

朱暉

我乃踣涼人好譚快心事文季年十三個儻露奇氣睨

壁紹少府片言重把臂公叔濟長河望風走污吏讀此
浮大白五斗不成醉

李文姬

文姬巾幗流乃是女智囊三子返閭里怵然暗悲傷
鵝肩闕如虎六尺危朝霜十年酒家傭一朝歸故鄉姊弟
相向哭行道淚滂滂

阮籍

當年竹林中步兵儘高妙登山賦英雄慟哭兼長嘯却

令雨豎子代我解人誚此中深意存醒人那能料吾有
數斗酒壘塊可堪澆

田疇

夜讀劉虞傳胸坎生不平無終有一士烈烈千人英
樂布不足數申胥難與京吾將夙嚴裝萬里從之行誰為
同心人千載陶淵明

龐德公

龐翁襄陽人不識襄陽縣躬畊有餘暇支頤玩時變鹿

門漾春風吹落桃花片區區一角天兒輩已足辦

周瑜

公瑾起江東翩翩美年少瞞兵百萬來風流劇談笑一
箭火鴉發糜爛連天微黑焰走江陵飛光落刀鞘奔濤
沸鼙鼓鮫舞鯨魚跳賦詩橫槊人驚魂腥孤嶠潮轉紫
旗迴江青發紅照

諸葛亮

受託誠不易知人良獨難南陽雖子房誰為鄴與韓將

相兼簿書心中多苦酸十出九空歸一身亦凋殘為君
歌梁父中夜發長嘆

孫嵩

北海孫賓石沉烈有深意道逢賣餅人一呼魂魄悸攜
手同車歸上堂拜昆季門外正狼虎聞聲莫通氣事平
相笑出危屯乍成字問君複壁中還有幾名士

劉琨

越石志四海中夜起長歌萬國徧戎馬淚落成江河失

路歸無家同心媾女蘿銀鬕血猶泚轉眼仍操戈英雄
功不成慷慨呼奈何

祖逖

英雄不得志此事休問天劉生幽院死祖生亦可憐擊
楫渡中流激昂先着鞭一夫搆內難壯士功不全浩歌
唾壺缺使我淚漣漣

荀崧女灌

荀家有嬌女父年方十三桑弓鶚翎箭七首霜花鐔月

黑跳孤城重圍密如蠶平明轉戰出軍中殺氣酣不假
七日哭蚤達尺八苗援兵走風雨髣髴破章邯借問驍
將誰髮覆青蟲簪

王衍

蜀勒少雄桀倚嘯上東門爾時正窮賤猛志凌中原杯
酒較帝王意氣何軒軒却笑王夷甫白首工清言勸人
着柘黃齟齬不足論

殷浩

深源不出山，令名跨江東。
虛聲可坐鎮，那足敵景雄。
角巾歸烏衣，澹然流高風。
悠悠行路口，理合深彌縫。
才窮氣先折，咄咄徒書空。

謝安

安石東山時，優游絲與竹。
以此理世務，馴若山中鹿。
當其會新亭，朝野盡蓄縮。
從容諧笑間，不言使人服。
臨風每懷想，可人溫如玉。

王羲之

茂弘經世才安石更文雅逸少故風流豈是悠悠者殷
謝噉空名人心同敗瓦好語不入耳世事解人寡作書
換鷺羣山水秀而野

王猛

景畧敬仲匹西北千羣空觀其馭鄧羗大類隆準公古
來草創業善作期善終敵甚難盡殺須讓東南風睹墅
得勝著殘局收全功方信敬仲奇小白徒英雄

劉裕

一夫驅千人寄奴天下奇
新洲射長蛇沒羽血淋漓
青衣雙擣藥一呼忽失之
鮑風腥帝劍快事恒如茲
殿前一橫盼愁殺桓家兒

顏延之

顏彪酒之狂儉德類知道超
然繁華外落拓自為好
沉飲匪荒宴春郊臥芳草
千秋兩步兵孤懷恣傾倒
謝家豔芙蓉秋深竟枯槁

樂陵王妃

淫風扇齊梁遺事供唾罵讀至樂陵妃忽然涕盈把可
憐樂陵別握手淚潺潺帶玦割相贈此去何時還郎留
壁花白郎去池水殷恨恨腸寸絕玦莫留人間天乎如
有情玦當化為環

賀若敦

丈夫營四海守口當如甌漫掉三寸舌馬保七尺軀賀
若大將才功滅身亦俱快錐刺兒舌兒舌血模糊快口
刺人心惜毒過矛父感茲酸楚言三復還長吁

讀史雜述

兩呂虎負嵎將相徒手搏誘虎棄深窟縛之若狐貉飛
誠閉殿門馳節斬長樂成敗呼噏間日出機槍落

二

英雄圖退步可嗤亦可憐馳逐威八荒日暮求三山手
植金光草吸露還餐煙悲哉秋風辭茂陵乃無年

三

審事貴審幾急湍迸石罅東京橫貂璫羣狼啖天下但

當殲其魁何用苦不赦日入慝相求驚鸞飛下樓徒令
千載人念之雙淚流

四

桓郎好奇策百發無遺矢嗟彼佳人兒置之若充耳身
棄千貌貅獨行不知止病馬忽騰槽駑馬棧下死何代
無狔獷鄺兄不欺已

五

烈烈南風惡人傳天下樂浴盡簾簾香銅駝立荆藿當

時生桓文楊家作伊霍傷心箭頭書吹向金墉郭

六

海上拾鳬毛陸離三丈長豈不洵文采對之神色愴繁
華少年子三五自成行銅駝且流血金谷且流觴為我
問廣武天道何茫茫劍解穿壁飛不解斬河陽

七

番兒歌阿干鮮卑山色寒阿干歌聲苦鮮卑水酸楚武
皇虎豹威猛力廓郊圻骨肉快相啖諸兒還日稀秦川

血沒腕六宮已灰飛為歌阿干曲曲終淚沾衣

八

番兒花箭強金鞞狼牙脊單枝折如朽十九勝千百兄
弟相為依一如箭在竿數弓交驩好角弓刺乖隔我作
折箭吟阿干第二拍

九

時危保七尺恬淡頗有餘志扶大厦傾那得屏人居岌
岌宋鼎折扛者須賁諸袁劉兩髀箭射棚安得除青青

石城月夜夜石城閭黃襪捧玉壘乳嫗竟何如

十

吳翁初虎嘯顧盼生雄風領軍三十年對之何夢夢跋
奴一朝至探轂還呼熊昨日昭陽殿今日單于宮徒令
韋衡州熱血噴長空

十一

女蝸五色石用之堪補天石破天柱折明月落長安龍
子髮未燥奇績凌齊桓明月照四海如何坐愁歎短歌

悶欲絕敲碎黃金枰

十二

天生普六茹梓發周家廬刺瓜遘厄會惜哉劍術疎一
夫叩刀入壯士皆次且隨王有樊噲趙王無鱗諸白日
脫驚龍彈指空躊躇

十三

後庭歌玉樹為樂殊未央金貂雜蛾眉擘箋飛瓊觴天
子好風流六宮遊冶場懽娛不終日隋兵來醉鄉千年

燕支井破月照荒涼

壽葉繩毅先生

秋月皎皎秋風高
綺筵笑語心陶陶
畫簾輕捲衆羅拜
琉璃琥珀浮葡萄
勿用起舞翻鷺翱
勿用雜筦聲嘈嘈
袖中有詩調頗勁
須令子晉吹洞簫
吹徹仙家柳枝曲
笑紋幾折紅瓊瑤
再吹先生考槃樂
先生聞之轉喁喁
黃髮鬢髮白晝長
手中但持銀不落
閒拈碁子記觥籌
常時失數添杯酌
簷外晴雲擘絮輕
偶然目送渾忘却

入秋逸興更遒飛年年勝事供林壑紫螯繡鐵汾湖蟹
黃脂凍玉汾湖雀兒郎團坐共醅醕乳下孫孩解嘲詈
醲醲春釀送來頻量勝不嫌觴政虐微酤就枕夢于于
朱頤忽解眉忽舒陶家徒有五男子但覓梨栗無詩書
眼前列坐斌斌者對之不飲當何如伯也有孫頭角異
仲也筆落鮮霞膩叔也畸想劈天荒季也夙辦凌風翅
更兼小阮躍奇姿春波瀲灩秋風媚酒觴墨壘較雄雌
一家旗幟分行次長離蜿蜿采毛長將飛未飛聲啾啾

龍門萬仞古桐碧百鳥不敢相胡胡上有神鵠翩翱翔
頰覽九土知園方衝颺一舉造旬始仰吸沆瀣儲饌糧
黃鵠高飛青鳳語身輕儼逐朝雲舉回首平生春復春
豔風幾度桃花雨安期贈棗棗如瓜銀宮多少同心侶
自出三山仙厯深折鐺石髓留誰煮野渚優游盡室閒
道顏瀟灑仍如許倚杖門前秫稻香東家雞酒西家黍
綠楊深底纜漁舟斜光村落歸樵去武陵源裏避秦人
料得當年僅能爾數竿紅日照窗紗未梳短髮杯先至

金掌何須覆玉漿
趁流挹取方壺水
醉鄉元接大蓬萊
自來中聖長如此
甕頭沙洛富如澠
黑甜半晌重醺起
一日小飲一百杯
百日小飲盈萬杯
從今大飲三千載
酒波喧沸如奔雷
坐看桑田變滄海
糟丘酒池相轉迴

舟行

野眺曠無際
潑空雲萬重
無心閒點染
港口出漁翁

二

雲沉波影暗
寺古鳥聲集
平疇三尺青
風披見蓑笠

放歌贈程子長

愈也具五窮鼯也具五窮子長之窮參有之子長之窮
將無窮子長工作字筆尖常帶鍾王意子長善苦啗藻
思雜組曩與今子長陡然逸興劇五指拂拂寫竹石老
藤夭矯挺長虬仰看青天僅盈尺子長子長何多奇觀
者咄咄爭嗟咨郭生風鳶亦儘好那能調合富家兒自
畫自題更自咏飢時飽看徒爾為黥雲慘澹酸風急葛
巾吹折當窗立五侯七貴漫相邀字爛袖中終不入熱

朋作伴到門前肘後推之轉羞澁窮人着處逢途窮竭
來住我東城東浮圖挿天孤影直鐵隼摩厲穿長空幽
瀾有泉自清泚竈煙寂寂聽晨鐘牀頭秔米并日涸安
望斗酒酣新豐當今國風殊偪仄覓一蕩子不可得濃
人不入裘馬場淡人不受煙霞癖閉門數箸析秋毫縱
能好書不好客滿堂盡是醵貧人誰能一畫療貧策安
得彌天僻壤皆齊梁十里一置田孟嘗又安得孟嘗筵
前各置郭有道不至誤列君雞鳴狗盜旁吁嗟乎為君

作歌抒中腸曲終拍絕空傍徨

寄人

西風峭急愁雲結鎮日閉門春事劣幾回矚旭射窗紗
褰簾又詫紅梅折年年二月亂花香今年尚墮前年雪
柴扉蕭索客來稀劇譚誰伴玲瓏舌步兵習嬾愛沉酣
文園耽句成消渴常聞外靖難內寧隨身小病何須絕
忽然長嘯盼吳鉤離奇病骨非雄桀平生壯志勒燕然
會須踏碎千山月丈人劉覽古人齊間通弘景岐黃說

奚奴松下曬書回連雲剪藥清泉冽石鎚曾否煮金櫻
相詒乞在蒲觴節

九日同嚴知章澹如兄弟遊茶磨山和周頤和詩

叟

竭來松陵叩好友到門恰值九月九主人大笑攜上船
船頭載花腹載酒舟子勸上姑蘇臺衆客首肯我獨否
青山只作名句觀耳目熟爛妍亦醜但問誰家富脩竹
我船便纜堤上柳布帆直指吳山麓石路犖确爭猿猱

日脚射頰赤汗泚偃曲不啻肩重負詩翁却攜乳下兒
七十又五健趨走山僧烹茗餉梨栗柿如火紅大如缶
紙鳴漸覺寒飈生起覽竒蹟竟何有稻香未老農暫息
羅拜大士集村叟奔上絕頂瞰湖光帽歌花落風生肘
洞庭縹緲波雲沉彷彿頑沙臥千畝夢想晴濤匹練飛
此來未足舒窈糾臨行爆竹響空谷青煙一縷千峰吼
細雨斜侵濕布袍放船倒出蓮花淩木蘭短楫浪痕輕
隨風容與煙波藪上方樹杪挿浮圖金山小寺江心陡

濃濃嵐氣醒復醉遠山百簇頻回首治平前度磨盤山
朱旭炯炯光照牖隔林笑指碧巔岼共約聽歌到初酉
驟觀山石執頗仄愁無平壤安盃甌斯須簫管咽流雲
參差滿地胭脂厚吳王臺沼舊風流至今士女皆琅琇
邐迤妖雲十二峯鏗鏘豔曲三千部當時爭看碧油車
畫船別駐清谿口蘆花隱見舞涼風中有美人垂素手
縞衫紅襯水仙妝鈎簾遙睇偏淹久笙歌隊裏浪相猜
伊人莫是羅家婦拂衣獨起步山趾夕陽晚晚清颼颼

長春橋影鞭虹霓老石粼粼水瀏瀏忽然迴望聽歌處
五色欄塢恣踐蹂爛如彩帛剪繽紛亂灑石間雜瓊玖
又如粉塑絕鮮明寸人豆馬焚相耦促坐但聞絲竹聲
遙瞻奇麗渾莫剖應如余昔點中間黑衣亦作玄雲黝
眼前聲色春花穠縱復病懶亦抖擻同來伴侶大叫絕
私喜茲擢良不苟暮靄暮暮山欲無挽衣不行煩勸誘
餘響鏗然落翠微曷若趁此含清卣譁呼跳船船欲崩
急索巨蟹浮大斗五柳先生淡如菊隨俗爾爾亦其偶

強哦古句半已殘蕉葉且復傾瓦甌酒甘不厭觴令酷
衆人或辭我輒受推牕更問晷與暗皎月若出當坐守
有客不語只沉思畫船還傍蘆花不笑爾癡癡一日懽
遊梁久矣猶思筇石湖溟撼船底倩此萬頃酒塵垢
迺知佳節遊名山須避佳節參前後矍鑠老翁詩興劇
明朝獨去登虎阜

茅簷集卷三

欽定四庫全書

集部
茅簷集卷
五四

詳校官編修_臣錢樾

侍讀臣孫球覆勘

總校官知縣_臣楊懋珩

校對官助教_臣陳木

謄錄監生_臣陸滋

欽定四庫全書

茅簷集卷四

明 魏學洧 撰

雜著一

易屑序

易變易也善易者矚諸爻所處何位旋矚今日所處何
文七著之細幃幕之暱以迄輔猜主調宮禁制跋扈掌
旗鼓牛睨胎之變而翦數百年數伏之姦罔不瞭然觀

成畫下畫上畫單畫雙畫司候於惚恍之中而偕之為
俯仰夫所謂觀象之易連山歸藏遯哉邈已橋底駢臂
周醜之屬亦闕焉亡傳覩記所逮尚其占者恒多長卿
誠鄙乎然解候陰陽災變也先毆旄頭劍挺墮地長翁
能知兵謀小黃令以易為治徽章成務之功焉而君明
更直日用事尤精恨闔高復生卒塞涌水之異爾西京
易學大氏皆尚占也而子政謂京氏學獨異田何豈其
然哉豈其然哉獨怪輔嗣孤瑩冷火猶能邀客談玄今

讀易注讀窮微論慮亡弗津津會心者湛於易若是而
槩視象數為小流易家尚辭自此始晉之誕狐也宋之
眈焉蠹也今株焉而已嚮其利則前足鼠後足鬼之蟹
也已矣成務者誰邪余乃喟然慨善易之難其人也日
夕披六韜與兵何與曾不逮屠狗販繒胸無半字者崛
起握大將之權日夕翻奕譜與奕何與曾不逮窮寺五
尺之豎目不出楸枰而擅國手日夕點周易與成務何
與曾不逮市上瞽人受錢數文或能為窮忙指辟趨之

路易之無裨于人與人之無裨于易也易寔尤焉昔子
雲覃思渾天為太玄懼其泰曼漻也益之以首衝錯測
攤瑩數文規圖告而曼漻乃轉甚故和仲譏其以艱深
之辭文淺易之說十載而下意雄嫻於辭爾庸冀寔用
至聞耶律楚材入委珮出掾甲治術堪翺翺隆中而星
辰圖書律歷至方言禽語靡所不曉人未嘗不豔而詫
焉以為王佐才也而王佐才之所湛濡玩繹者則又於
曼漻之太玄為特深嗜茲誠曷故焉蓋子雲仍漢中葉

子裝易學猶存高康言當身隕博士弟子互誠勿談易而獲正傳者學俱亡章句苗裔依然丁將軍也是故三方九州二十七部八十一家二百四十三表七百二十九贊其九九大運以大衍為崑崙然則雄它製皆尚辭玄未始尚辭也彼將以是擿膠葛而騰九閼浮滄雲而散歌烝殆不能不為艱難者與而搯以三筮緝以象類文不虛生然則玄未始不尚辭實未始專尚辭也以楚材精解數學闢徹胥靡是猶穰侯披六韜奕秋翻奕譜

也雖欲不寢食斯編洞悟厥旨而出之以成天下之務
庸可得哉余友陳則梁口能劇談過雄博覽半雄而好
深湛之思類雄然雄徧為前人優孟貌遷自序序法言
青之于青爾則梁為小序則不翅軼雄及其為易屑也
覃思研精摘抉杳微匪不夏夏乎陳言之務去而卒不
持昔人英茲之解藁本蓋數更矣一準于理彼謂視古
修辭寧失諸理者真令人齒冷也夙與蜀才競險而易
道反於夷庾雕蟲篆刻悔猶弗盡弗悔顧幾盡之則梁

而尚辭焉已哉且又非尚占也離王離鄭而徃參焉其
象辭之間與余既觀易于則梁氏行將觀則梁氏于易
且叩則梁所處當屬何卦且叩則梁今日當屬何爻則
梁嘗別為同人注矣余離于說也差鮮余亦則梁卦中
人也且叩則梁與余當屬何應一人一畫一事一畫一
日一畫萬人億人一畫萬事億事一畫萬日億日一畫
審于斯也易將與庖犧氏接矣論商瞿嗟乎作者既不
易解者良獨難方子雲著書成岌岌隣醬甌爾陸績宋

喪迭相述而至范望注十萬餘言文中堯夫迭相予而
至君實留心三十年苦思已不沒矣詎敢望施行況易
屑數言雞跣集之將難助擲之豈有為則梁楚材者哉
然子雲稱昔人之辭迺玉迺金夫屑故金玉屑也金可
以曜虎玉母以抵鵲知必有為則梁氏桓譚者

庚申七月

錢氏家乘序

錢王之子孫徧天下渡錢塘挾岐黃言以世于魏里者
亦四五家其族迭生顯人恒情好炎則傅之賢者避其

羶則反遠焉以是時離時合無恒譜然至追沂苗裔則
無不扼腕而談武肅王事眉頰皆動余徃來諸錢間或
藏遺像或藏廟器或有藏武肅冑者未嘗不奇之然意
其好事云爾邇從王孫輔之所徧觀家乘載錢氏宗派
特詳及讀武肅所製序與其慶系譜圖父寬以前七十
一世為錢鏐去竹畱錢寔為定姓祖鏐以前八世為黃
帝黃帝之父為少典是為第一世祖余不覺赧然笑曰
嘻英雄亦復爾邪余交游多錢姓鄉知其武肅王後爾

今日乃信其為少典黃帝之後此一奇也少典訖錢鏐為十世錢鏐訖武肅為七十三世武肅訖愈齊公始由淮甸入嘉興為十三世又十三世廼訖今王孫通算一百六世夫自少典黃帝以來世代緜邈竊擬其祖孫相續為萬為億為秭至巧歷不能竟矣今日乃得約略其數為一百六世此又一奇也茲隔什百武爾猶然離合之不常而思泝爪舋於渾噩之前信邪其傳疑也邪然前武肅者不可考而後武肅者入宋為世胄則可考即

餘派曼漣不可考而派之初分各自為岷為崑崙者則
可考武肅自傳疑爾王孫豈傳疑也邪嗟乎王孫吾于
爾武肅有感矣昔唐季喪亂人寢食白刃中行者慮亡
不濺血沒腕而我吳越數千里之內嬉遊歌舞者一百
餘年國有英雄豈非生民福邪吳越備史稱武肅微時
有瞽人善相骨值武肅者再歎曰天下亂矣曷日內再
遇貴人然則英雄之生又豈生民幸哉方今永平累世
敵踞甌脫地以哮而椎埋之雄間出沒海嶼短衣怪狀

之客飄忽聚散莫可跡其後者三吳間隨在皆有緯之
不卹而憂宗周竊懼天下庸庸久矣非英雄不大治非
英雄不大亂安得材如武肅者使生詩書帖括中雍雍
從經生起家入佩委出持鉞為聖天子澄清瀚海以毋
詒九重宵衣庶幾哉享英雄之福而不櫻其害爾王孫
中儻亦有奇偉髣髴者乎嗟乎英雄不常有江南髣髴
負販盡耳威名者獨武肅一人爾英國以下博古者罕
能道魏國以下雖子孫披牒亦復掩卷茫然蓋皆孟嘗

所云不知何人也已矣身為神明之胄而默默鮮所感
慨自許遠志屢覲一詔祿於朝孰非它年不知何人也
哉夫士亦各自鞭筴爾馮故紙而弔經綸斬為國樹千
年之績才或稍格焉姑屬其笑語所接覩記所逮歲時
伏臘所往還者相與莫遠具爾以無愧先民不然邇則
弗暱而往是圖則是少典黃帝諸漠不關情之人舉引
為族黨宗戚而族黨宗戚反不翅少典黃帝視之也無
用問苗裔為矣此則王孫尊人命修宗譜意也

浙忠錄序

代大人

流俗之士將圖內便其欲而外懼無解于人也則例舉古聖賢高論之可附者以為自扞之楯遂以此人無心而天地無氣於乎悲哉自語默取舍出處進退以至生死之闕古之人何處不立隄防今之人何處不開遁徑天下幸無故耳苟不幸有變勢必至餽豬之輩盡得以匹夫匹婦之諒笑人此忠臣義士所為中夜決起慷慨發洛陽之慟者也方今聖天子在上崇顯節烈以震厲

百辟特詔議先臣方孝孺諡併賜葬焉命下之日臣工
忭舞于朝耆老加額于野咸聳然若方先生復生嗟乎
人臣詔祿而後即以要領付王家績之成不成命也才
之能不能質也獨此九死不回之氣挺于天壯于學畱
藏于百千萬世縱復烟銷塵隕恒皎皎與日月爭光試
觀諸楊勲伐豈不炳爛當年而精采曾不敵正學之百
一豈非為正氣不可泐哉昔正學少時見典冊中載往
詰遺跡輒慨然慕之今錢仲芳亦近取浙中鐵漢彙為

二帙而正學為之先若將挈焦府筋骸日薰習刀鋸傍
志士之聞風而興也蓋若此頃郵寄一編遺予予為正
襟讀之讀而悲恨不使我有淚千斛讀而快恨不使我
有髯千尋助皇上鞭流俗之頑而迫之痛者必是編矣
抑聞之泝江者必探其源養勇者必厚其本一腔裂而
十族捐此特湍之遇峽而鬪者也苟正氣無根則恥心
易散談它人而勃勃欲張者臨已身而忽費躊躇仲芳
儻亦念平居幽獨中自有所謂汶阜者乎

兩漢郡國名吏紀序

王室之患莫亟于民窮傷哉今日東南之民何如也佃
者受人田數畊長夏火耨持緼袍質于市以糞比秋少
收數鍾粟緼袍不得歸相與聚婦子而啼總量終歲適
足供它人耳八口無與也不獲已貸資母錢勢家乘其
迫而厚責焉度不可再資急之度產尚浮于本則故緩
之以需其息之盈一朝權取雞犬屋瓦靡遺焉甚者鬻
帑不繼軀命隨之矣農人曰我農人獨然耳及觀壓棲

者晨興啓市戶輒愁桂玉古樂府所稱盎中無斗米儲
還視桁上無懸衣者又比戶然也夫天地之植何日不
蕃息而民之瘠乃若此敢問財安歸乎曰於乎有兩窟
焉沒之上則墨吏獵以去輦十之一二之長安餘之私
舍舉世相事為故常下則所謂勢家權子母者也抑豈
獨權子母而已小民力耕疾織得屋數區膏腴數畝乾
餽小夫人輒攘而餽諸勢家片紙朝入則產夕破倉卒
自餽獲酬釐粒者已不翅厚幸矣或雨有所飽則雨勢

家中剖之中人以下大氏皆壞令甲準產定役蓋猶寓
董江都限田遺意焉邇士人一通籍輒擁膏腴累千百
而煩役不及又且詭覆它人田議繇之日又且為它素
封者請小民日夜幾潁水之濁而不可得貧人益貧若
斯者豈謂薤本難拔哉一董少平立攝警耳而郡邑吏
剖符以出類不能無愆莫敢瞰瞰為百姓爭相與為儒
兒意蓋曰爾為彼也我為此例耳毋互相執可也有此
兩窟民是以不旱澇而歲常歉不疾病而神常癘彼農

人勞困極矣利最微人又交賤之計不如為商賈夫商賈匪可以無貨也竊見庶人在官者懷檄入民家莫敢仰視至城梓其項入市庖坐而醉飽焉啗畢更重索錢又見勢家蒼頭喑啞逼人數步之外細民笑頰求之見主猶可見奴怕欲死此兩者商賈殆弗如然彼實具才角材農人未易羨也弗能者遇抑而為負販負販不給不如撈捕撈捕不給不如穿窬穿窬一再試則膽張而慾倍夸于是大盜生焉夫大盜正所謂盜中無斗米儲

還視桁上無懸衣者也敢又問財安出乎則唯有仍出
諸鄉者之兩窟而已矣於乎田儋項梁之徒殺秦吏如
草芥勢家驟遭剽掠玉帛子女漣然吐嗟頃耳而守若
令方且沓沓如故本之不卹標亦蔑圖似百年常可以
苟安豈不悲哉孝宣帝拜刺史守相輒親見問二十石
有治理效輒以璽書勉厲加秩賜金或爵至關內侯常
謂太守吏民之本夫處閭里而謂治本在守令守令更
有本焉若廟堂上謂治本在守令則守令真治本也余

故輯兩漢郡國吏之賢能者為紀治本治標咸備焉而
嫺兵者尤述之不厭詳於乎斯又漆室之啼也夫

壬戌
冬日

慈乘小引

錢仲芳刺放生彙編凡古德導人愛物者其言皆萃焉
予更以事實實之爰輯慈乘嗟乎刀鋸臨前哀鳴飲泣
觸目悲痛不堪回想頃聞齊滕之亂死者蔽河而下有
婦人母子被殺其子尚抱兒者莫不哽咽應知物可憐
憫亦復如是無論是儒是佛總無策顧此心也而恬于

殺者或飾言理固宜然嗟乎人心各自知必欲言衆生
當殺者此屬何意我甚願賢者勿爾也我甚願賢者勿
爾也

老子初繹序

小時讀韓昌黎原道遂隨衆闢異端語老氏則岸然以
原人訾之今而知其言之羞也諦思目前之事何事不
以妄發敗諦思目前之人何人不以勝氣乖我乃何人
敢譙訶賢聖乎它亡具論觀其誠孔子曰良賈深藏若

虛君子盛德容貌若愚去子之驕氣與多欲態色與淫
志是皆無益于子之身吾所以告子若是而已又曰凡
當世之士聰明深察而近于死者好議人之非者也博
辨閎大而危其身者好發人之惡者也為人臣者無以
有已為人子者無以有已夫以此誠孔子誠不審於當
年奚居若輕躁如汙不有若發其痛而鞭之至聲辭交
惻者乎朝夕念茲尚懼負仁人之諄復而乃訾之為原
人多見其不知學也聖人之道大而無弊者莫過于易

願學焉尚未有暇也先讀焦漪園先生所輯老子翼百家詮釋與義蠡起而予心猶有所未安姑取顯達易曉者組而記之名之曰初繹蓋粗令句字無窒而已它年辭義習熟視五十言了了如家人語孤存本文可也

壬戌

冬
日

勸影齋集序

顧病已好苦吟也地崩山摧壯士死而後稍稍通猿鳥之路此路險怪曾經五丁蠻開之而昌谷窮其勝前而

潮州後而玉局近而天池諸家以至朝鮮女人俱嘗有
車轍馬跡焉此豈真不通人烟者哉然自嬴秦以來蜀
道屢闢錯入蜀漢入蜀艾入蜀溫入蜀崇韜入蜀全斌
入蜀宜為通涂久矣而廖將軍墨葉渡之捷至舁船上
山奇幻出前人所未有然則狂搜險覓之功誰謂生賀
後者易為力也余有懶癖不能攻堅擇一夷易之徑尚
羊其間正如武陵扁舟自行自止每遇桃花深處時復
欣然儻再來失故道則亦鼓棹返耳因思混沌既鑿而

復完幸遇懶太守耳若遇謝康樂山口詎足當蜀嶂哉
今而後君鏟蜀嶂我向桃源宿緣不偶弗得通難黍也
不可知凡心既盡遂老于其鄉也不可知又不然入而
出出而復入也不可知疑凡疑僊徑路難測蜀嶂未必
不與桃源相接則我與君忽一日焉相遇于一天亦不
可知也

高星弁散騷序

昔夏侯湛贊東方朔雄節邁倫慨然想見其人及覽班

因所次軼事髡之笑孟之哭情狀畢備未嘗不為絕倒
恨不使正則聞此一散其佗際之懷也然讀朔自悲哀
命數章余又不勝佗際焉然則曼倩至此尚不能自散
其騷夫又誰散哉余友星升善詠笑舉坐頤解有厭次
之遺風而自著散騷數種顧似有鬱邑於中者始信古
之人嘲哂豪傑蹈藉貴勢其騷情政自深也假使星升
與屈左徒東方曼倩同行澤畔或同遊金馬門星升與
曼倩抵掌諧謔不審左徒作何情事與左徒流連攬涕

浪浪霑襟又不審曼倩作何容顏忽泣焉忽笑焉騷情
其有不散者乎桓譚曰史遷著書成以示東方朔朔皆
署曰太史公余怪子長見知于曼倩如此必熟知其滑
稽者曷不以次淳于髡之後或謂其正諫似直中情未
易語又何不遂與屈原同傳也蓋以其騷且騷而散也
夫

夏幼青維摩集序

西泠之距維摩室也似不啻燕郢然黃葉肱師序幼青

西泠集誠毋得綺語相呵師何以不秀鐵若余曰不然
日酣醉花草間而神不傷艷之膚者也慧根之士誤落
情網性類幽想類苦徑類慘澹冷寂蓋非必怨阻脩也
雖促語含睇意忽忽恒若離別彼婉孌善懷者亦非必
其零落雖方媽紅宜笑而徘徊擁髻已悄然野田荒草
之悲洵如是也自其懽忻悽惋之屢更而所謂夢幻泡
影者已歷歷嘗矣穠華相逐去去忘歸境入淒涼愴焉
回首一夕油壁之影漸沒而寒鐘驟聞履下即無生路

也然則維摩室隔衆香國四十二恒河沙佛土尚聚彈指間何況西泠也耶雖然它年方丈畢集女人以花散幼青身且觀幼青墮否墮則追憶昔侶幸偕我入蒼蘊林余將拾花微笑曰仁者勿復夢西泠也

曹盾侯招隱篇序

淮南小山賦招隱士招隱士使之出也陸機招隱詩招隱士使之入也王康琚從而反之謂大隱隱朝市則介出與入之間嗟乎八公山之雞犬未必同升而憔悴憶

華亭之鶴隱之難久矣其孰從而招之隱不獨有隱德亦兼需隱才考槃之詩曰獨寐寤宿永矢弗告蓋既隱者必不復招人而北風之詩曰惠而好我攜手同歸凡招人者必其未隱者也詎獨未隱而已且懼弗獲隱焉曹生盾侯余隣也夢寐恒在山水間余樂其人時與飲酒出其所為古文辭相示曰招隱篇大都寫邁軸之娛而余讀之顧不勝雨雪之痛愴然作而酌日子母言當今幽山叢桂之間不待其招而往者幾何人矣顧有不

能隱如余者日僕僕闌市又有招隱如子者與余為比
隣得無復有招招隱者乎悲夫

小集自序

至人之所味必淡其取諸古也亦不貪故墳索之圃天
下之所縱漁獵也而泊然弗嗜或衆所共著時取而諦
藏焉蓋亦猶宣曲之豪不急金玉而急倉粟也奇好紛
紛曾足駐一盼哉而文人則異是目之所接無不可艷
羨正如見鉤醬則思開羹道見邛杖則思通作都明知

無毛髮之禪而多欲不禁終以自疲此揚子雲所以中
道悔也予于物幸少嗜獨悞好書好書悞已且不差為
辭章之士於賦好正則於詩好元亮每逢木葉搖脫意
悄然而生悲未嘗不歌離騷也尚羊離落迫然如有所
會未嘗不吟陶詩也悠悠無事借古人之遺槩以自遂
嘯歌夫亦何不可而奇好外偏或又舍此而從之跡是
賦則軼入于夸麗之場詩體亦棼駁而不可壹心之不
易淡也蓋若此竊聞之嗜好十變復歸其初是以發軔

恒於斯稅駕恒於斯予習雖屢易乎然叩諸中而津津
焉娛予心者故有在也它年馳我牽反我所而佚我焉
其仍在三閭五柳間乎

秋殘十咏小引

常笑杜工部破屋數間狂風卷其茅以去飛挂林梢邨
童攫取之自此長夜沾濕斯亦黯慘之至矣而詩顧曰
安得廣廈千萬間大庇天下寒士皆歡顏嗟乎公之念
天下寒士若此哉余所識才士無多人率無弗寒者而

顧病已家為酷貧其友王蘭九之貧也則併無家歲且暮病已過余曰蘭九行至矣纜船我門前枯樹下我兩人者將以嘯歌卒歲因出蘭九秋殘十咏視余余讀之慄乎若薄寒之中焉夫士之坎壈懷不平也雖春原芳艸裘馬翩翩對之常有悽清之色矧以秋人為秋聲且得不神顧乎若劉晝每言使我書數十卷傳世當不易千駟今蘭九挾崎嶇歷落之調其所以致窮有餘矣而又好與病已處其窮殆不可量詩安得不傳吾知千載

後定復有崎嶇歷落如蘭九者向秋風黃葉之下倚扁舟而讀之讀已復歌歌已復泣泣已投其紙于流將見此數咏者飄飄焉泛泛焉出沒于荒蘆斷岸之間也

題周伯譽集後

余之知麻城有周伯譽也自讀江漢人文始也葛水鑑評伯譽不擊刃斗絕似飛將軍而舳艫十里旌旗蔽空則飛將軍未嘗有此大戰竊歎詫以為知言比訊其人則麻城已無周伯譽久矣頃與易曦侯語相對惋惜且

詘指海內名士凋落殆盡泣然悲才人之易折嘻茲曠
戾懟辭也曠戾從黃岡來所經山川之紆曲人物之龐
襍其間以才死而惋惜焉者僅數人以不才死而泯泯
焉者不知幾千百矣誰謂才人偏折也哉獨以伯譽奔
騰澎湃之勢噌吰鏗鞳之響度將逆三眉之顏行而轉
關而前以決勝爭霸于天壤之間而忽焉中道夫三立
未成溘先朝露墓穉再甯後浸淫與泯泯者俱已矣才
人不獲盡其才是則才人之怨也嗟嗟李白謫仙也不

得嚮天上圖一捧硯而李賀獨被召奇矣然李賀去踵
賀後者仍不少得毋字剗句砌不稱大篇白玉樓中亦
復紙下如飛也邪伯譽死才人自此鮑背矣

短歌跋

墮地而後刺刺皆死期也但未測死法耳死于餓死于
杖死于縊死于毒死于水死于火死于刀死于鏹死于
千鋒萬鎗人總謂不如死于病嗟乎枕席之上悽淚暗
滋苦汗猛迸嚙喉輪轉一響而絕亦安見其愈于烈烈

死也哉丈夫身荷軍國方以徒死為臣子舉豈堪更以
不死為君父羞世之豪傑自命者未及見敵騎輒踉蹌
奔還抑何其不知慙也友人錢棻弔遼死事將吏作短
歌十章敲如意歌之聲辭慷慨余歌信公詩為之亂曰
人生自古誰無死留取丹心照汗青

浙忠詠跋

曾不聞錢生穀吟也崔歲忽作戒殺詩十章剴切奇妙
迥出于膽汁韻詩之上頃余讀仲芳浙忠錄方為之慷

慨流涕而錢生忽投浙忠咏一編微獨激昂磊落足與
憑弔古人即其詩古澹幽峭韻格亦直踞第一流嗟乎
丈夫在天下一蟻子不忍與作苦事大節當前視頭顱
一蟻子耳壯哉錢生豈徒數吟云乎哉

茅簷集卷四